

**ANG****Bayan****Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo**Edisyong Hiligaynon
Tuig XXXVII No. 12
Hunyo 21, 2006
www.philippinerevolution.org*Editorial*

Ginakutkut ni Arroyo ang kaugalingon nga lulubngan

Nagadamgo sang bugtaw si Defense Secretary Avelino Cruz sa pagpahambog nga mawasak sang sang rehimeng US-Arroyo ang Bag-ong Hangaway sang Banwa (BHB) sa sulod sang napulo ka tuig. Mas labing buang si Gloria Arroyo sa pagsigahum nga malutos niya ang BHB sa sulod sang isa tubtub duha ka tuig bangud lamang sa pagdugang sang isa ka bilyong piso sa badyet sang AFP kag pagpasingki sang todo-gera batuk sa rebolusyonaryong hublag.

Wala sang basehan ang mga handum kag deklarasyon nila nga ini. Padayon ang pagsulong kag pagbaskog sang rebolusyonaryo nga armadong hublag. Tampok ang sunud-sunod nga kadalag-an sang BHB ilabi na sining nagligad nga mga bulan. Nagalapad kag nagabakod ang armado nga rebolusyonaryong hublag sa bilog nga pungsod kag padayon nga nagasulong ang pagbato sang pumuluyo sa mga antinasyunal kag anti-demokratikong polisiya, plano kag tikang sang rehimen.

Ang matuod nga katuyuan sang amo nga deklarasyon ni Arroyo amo nga padabdabon kag engganyuhon ang suporta gihapon sa iya sang imperyalismong US kag mga kadampig niya nga reaksyunaryo. Gusto man niya tabunan ang patung-patong nga mga kaso sang kagarukan, malaut nga mga krimen kag responsibilidad

niya sa banwa kag hatagan sang lisensya ang todo-todo nga pasistang pagpang-atake sa pumuluyo.

Mapaslwan ang "end game" ni Arroyo. Wala na siya nakatuon sa paliwat-liwat na kapaslwan sang tanan nga Internal Security Operations Plan (oplan) sang AFP sa nagligad nga tatlo ka dekada halin sa Oplan Katatagan ni Marcos tubtub sa Oplan Bantay Laya sining 2002.

Pareho sang mga nagligad nga "oplan," pat-ud nga mapaslwan ang binuang nga handum ni Arroyo nga madasigan nga mawasak ang rebolusyonaryong hublag.

Indi malutos sang bulok, kontra-pumuluyo kag antinasyunal nga rehimeng Arroyo kag mga armadong gaway sini ang PKP, BHB kag bilog nga rebolusyonaryong hublag nga nagatiglawas sa mga pwersa nga abante, patriyotiko kag maki-pumuluyo. Labi nga nagadalum ang kaakig sang pumuluyo sa rehimeng Arroyo kag sa mga armadong gaway sini.

Sa pihak nga bahin, hugot nila nga ginasuportahan, ginasadag kag ginamahal ang ila hangaway sang banwa.

Napamatud-an sang mga rebolusyonaryong pwersa sa praktika ang kahustuhan sang ila pungsod-non-demokratikong paghi-

***Mga tampok
sa isyu nga ini...*****Mga aksyong militar
sg BHB sa NCMR****PAHINA 4****Hilikuton sa bidyo
sa SMR****PAHINA 7****Ka Apol, bag-ong
hangaway****PAHINA 9**

makas kag pagpasulong sang malap-nagon kag maikit nga pagpakig-away gerilya santo sa estratehikong linya sang madugayan nga inaway banwa. Sa sini, nakatipon ang BHB kag mga rebolusyonaryong pwersa sang sunud-sunod nga mga kadalagan sa pagpakig-away sa mga reaksyunaryo kag pasistang pwersa sang estado.

Wala sang paglaum nga magmadinalag-on ang kontra-rebolusyon. Ang AFP nga yara sa unahan sang kontra-rebolusyon garuk sa pinakaubod. Ang ginaalagaran kag ginapangapinan sini nga sistema pareho man nga garuk. Pareho sang permi nagakatabo sa kwarta nga ginatalana diri, ang dugang nga P1 bilyon nga pondo para sa AFP kag PNP igabulsa lamang sang mga heneral nga ginapadayaw ni Arroyo kag paggaagawan sang mga upisyal militar kag pulis. Labi lamang sini nga padalumon ang banggianay, palaparon ang disgusto sa kubay sang mga ordinaryo nga suldado kag paluyahon ang determinasyon kag epektibidad nga magbato sang bilog nga armadong pwersa.

Madalum ang pagkatulunga sa kubay sang AFP-PNP ilabi na sa tunga sang mga nagapamuno nga

garuk, pasista kag maki-Arroyo kag mga disgustado nga manubo nga upisyal kag ordinaryong tinawo. Nagadamu sa ila ang handa magtalikod kag hayagan nga magbato sa rehimen, lakip ang pila ka dalagku kag espesyal nga pang-away nga yunit. May nagapamuno nga seksyon man sa kubay nila nga nagadala na sang mga patriyotiko kag demokratiko nga prinsipyo kag bukas sa pagpakig-angot, pagpakig-alyansa kag pagpakigbuligay sa mga rebolusyonaryong pwersa kag sa hayag nga demokratikong hublag.

Labi nga paglout sang mahigko nga gera. Sa atubang sang sunud-sunod nga mga kapaslawan kag kahalitan nga ginabaton sang mga reaksyunaryo nga armadong pwersa, labing nangin mahigko ang ginalunsar sini nga gera. Indi ang mga rebolusyonaryo nga armadong pwersa nga may ikasarang magdependa kag magbato ang pangunahon nga target sini kundi ang mga di armadong sibilyan kag mga demokratikong pwersa nga nagahulag kag nagahimakas sa ligal nga patag. Sila ang matuod nga target sang mga pasista nga atake sang rehimeng Arroyo.

Sa nagligad nga duha ka tuig

lamang, masobra 300 na ang ginapatay sang mga *death squad* nga ginbuhian sang rehimen para likidahan ang mga progresibong lider kag aktibista sang hayag nga kahublang demokratiko. Nalampasan na sang rehimeng Arroyo ang tanan nga nagligad nga papet nga rehimen, pati ang hayagan nga pasista nga diktaduryang Marcos sa numero sang mga biktima sang mga pangpulitika nga asasinasyon.


Lauman nga labing magahigko ang mahigko nga gera ni Arroyo. Sila mismo ang nagaako nga "indi malikawan" ang pagkadalahig sang mga sibilyan sa mga atake sang AFP. Pat-ud nga mangin sobrang mapintas sa pumuluyo ang kampanya nga pagpangtapna kag terorismo sang militar, pulis kag mga *death squad*.

Lauman nga labing magadamu ang kaso sang mga paglapas sa tawhanong kinamatarung ilabi na sa Central kag Southern Luzon kon sa diin nakatalana nga ibuhos ang 4,500 pa nga dugang nga pwersa. Partikular sa Central Luzon, target nga pagahimuon ang pagpangsona sa tanan nga baryo sa mga banwa sang Bulacan, Pampanga kag Nueva Ecija.

Magabwelta kay Arroyo ang "mahigko nga gera." Sa wala hawid nga pagsabwag sang terorismo sang estado, ginadabukan ni Arroyo ang pumuluyo nga labing isulong ang ila rebolusyonaryong pagbato. Ginakutkut lamang niya ang iya kagalingon nga lulubngan.

Indi basta-basta mapahapa kag mapaluhod ang pumuluyong Pilipino sang mga pasistang hanot ni Arroyo. Sa baylo, labi lamang sila nga mangil-ad sa kapintas sang iya rehimen. Sa atubang sang mga ini, kinahanglanon katama nga pasanyugon sang pumuluyong Pilipino ang ila pagbato sa tanan nga patag agud tapuson sa labing madali nga panahon ang papet kag pasistang rehi-

sundan sa "Ginakutkut...", pahina 3

 <p>Tuig XXXVII No. 12 Hunyo 21, 2006</p> <p>Ang <i>Ang Bayan</i> ginabantala sa lengwahe nga Pilipino, Bisaya, Iloko, Hiligaynon, Waray kag Ingles.</p> <p>Mahimo ini i-download halin sa Philippine Revolution Web Central nga makit-an sa:</p> <p>www.philippinerevolution.org</p> <p>Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.</p> <p>Malab-ot kami paagi sa e-mail sa: angbayan@yahoo.com</p>	
<p>Kaundan</p>	
Editoryal	
Ginakutkut ni Arroyo ang kaugalingon nga lulubngan	1
Aksyong militar sa NCMR	4
Pagsilut sa <i>death squad</i> sa MisOc	4
Pagpanghalit sg pasista nga estado	
Wala untat nga pagpamatay	5
Pagpang-ipit kay Ka Joema	6
Kaso batuk sa B5, ginpauntat	6
Ayuda sg Japan, ginapauntat	6
Hilikuton bidyo sa SMR	7
Ka Apol, bag-ong hangaway	8
Pagrekrut sg mersenaryong Pilipino	10
Paggamit sg US sg mga mersenaryo	11
Balita	12
<p>Ang <i>Ang Bayan</i> ginabantala duha ka beses kada bulan sang Komite Sentral ng Partido Komunista ng Pilipinas</p>	

Isa ka bilyong piso nga gimik batuk sa korapsyon

Naghiliusa ang nagkalain-lain nga mga sektor kag personahe nga isa ka daku nga gimik lamang ni Arroyo ang pagtalana sang P1 bilyon para batuan kuno ang korapsyon. Igabulsa lamang ini sang mga tiko kag korap nga upisyal sang gubyr-nong Arroyo.

Sa kamatuoran, kaddungan sang deklarasyon sa pagbato sa korapsyon, nabuyagyag ang daku nga kagarukan sa pagbakal sang Philippine National Police sa kantidad nga P322 milyon nga mga salakyan kag pusil nga wala ginpaagi sa *public bidding*.

Hayag katama sa publiko ang dalagku nga kaso sang pagpamuyong sa kaban sang pumuluyo ni Gloria Arroyo, sang iya bana, mga anak kag pinakasuod nga tinawo. Ini sa pihak sang pagpugong sang

Malakanyang sa ginahimo nga imbestigasyon sa dalagku nga kaso sang kagarukan.

Mismo si Ombudsman Merceditas Gutierrez ang nag-ako nga P1.3 trilyon na ang nadula halin sa pondo sang gubyrno bunga sang mga tiko nga buhat halin sang magpungko si Arroyo bilang presidente sadtong 2001.

Lakip sa dalagku nga kaso sang korapsyon ang masunod:

1) Paggamit sang pangpubliko nga pondo sa kampanyang

eleksyon ni Arroyo sadtong 2004, lakip ang P2.9

bilyong pondo pang-agrikultura, P544 milyong pondo halin sa nabawi nga ginkawat nga manggad ni Marcos, P2 bilyong Road-Users' Tax kag P4 bilyon nga pondo sang

Philhealth;

2) Sobra nga pagpresyo sa P1.1 bilyon nga balor sang Diosdado Macapagal Boulevard;

3) Pagbaton sang \$14 milyong suhol sa kontrata sa Philippine International Air Terminals Co. Inc.;

4) Pagbaton sang \$20 milyon nga suhol sa proyekto sa Caliraya Power Plant nga ginhatag sa Industrias Metallurgicas Percamona Sociedad Anonima-Argentina;

5) Sobra nga pagpresyo sa \$6 milyong kontrata sa tunga sang Pilipinas kag Lockheed para sa mga kinahanglanon sang AFP;

6) Ginatus-gatos nga milyong piso nga regular ginahakot sang Malakanyang ni Philippine Games and Amusements Corp. Chairman Efraim Genuino.

7) Paghatag sang kinamatarung nga baklon ang Masinloc Power Plant sa YNN Pacific Consortium Inc. samtang wala man ini aktwal nga puhunan kundi ang koneksyon sa Malakanyang. **AB**



"Nagakutkut..." halin sa pahina 2 meng Arroyo.

Kinahanglan labi pang palaparon kag pabaskugon ang kahublagang masa kag alyansang anti-Arroyo kag determinadong isulong kag pasingkion ang kampanyang masa para sa pagpatalsik sang bogus, garuk, pasista kag papet nga rehimen. Ang mga paghulag sa karsada, mga eskwelahan, upisina kag mga kabanwahanan kinahanglan papagsikon samtang padayon nga ginagamit ang mga imbestigasyon, parlamento kag mga korte.

Kinahanglan padayon nga mabuyok ang pinakadaku nga numero sang mga elemento sa armadong kusog sang gubyrno agud talikdan na ang rehimen, magdampig sa pumuluyo kag isimpon sa

ila pagbato sa antinasyunal, kontra-pumuluyo kag pasista nga rehimen Arroyo.

Labaw sa san-o man, labi subong napakita sang kalala sang pagpamigos kag kapigusan sang pumuluyo ang kahustuhan kag pagkakinahanglanon masulong kag mapasingki ang rebolusyonaryo nga armadong paghimakas. Ini ang sabat sang mga rebolusyonaryong pwersa sa binuang nga pagpang-atake sang rehimen sa pumuluyo. Kinahanglan labi nga isulong ang mga taktikal nga opensiba batuk sa mga armado kag pasista nga pwersa sang rehimen Arroyo. Kinahanglan pabayaron sang mahal ang rehimen kag mga pasistang heneral kag gaway sini sa kada kabuhi nga ginautas nila. Kinahanglan pasabton sa ila mga utang-nga-dugo

kag iban pa nga makangingidlis nga krimen sa banwa ang mga masupog nga pasista kag maki-Arroyo nga upisyal, yunit kag pwersang militar. Daku ang makontribyutar sang mga taktikal nga opensiba sang BHB sa pagtatapos sa ginakangil-aran nga rehimen.

Sa pagpadamu kag pagpasingki sang mga taktikal nga opensiba, ang dugang nga armas nga iga-hatag ni Arroyo sa AFP-PNP makakadto sa kamot sang BHB kag pumuluyo sa kaulihan. Indi lamang mapaslawan ang AFP-PNP nga dulaon ang mga rebolusyonaryong pwersa, padayon pa sila nga magabaskog kag magamadilag-on. Pat-ud nga masaksihan nila ang paghalin sang rehimen Arroyo sa Malakanyang. **AB**



Sa North Central Mindanao Region

Mga armadong aksyon sang BHB

Lima ka suldado ang napatay, lakip ang isa ka tinyente, kag di magnubo sa apat ang napilasan sa sunud-sunod nga mga aksyong militar sang Bag-ong Hangaway sang Banwa (BHB) sa North Central Mindanao Region. Samtang, ginatus-gatos nga sibilyan na ang nagbakwit bunga sang mabaskog nga operasyong militar sang AFP sa lugar.

Pinakaulihi sa mga armadong aksyon sang BHB ang harasment na ginlunsar sang Rexan Perez Command (RPC) batuk sa mga naga-operasyon nga elemento sang 26th IB sadtong Hunyo 16-17 sa Sityo Bindom, Barangay Busdi, Malaybalay, Bukidnon. Tatlo ka suldado ang napatay kag tatlo ang napilasan sa mga aksyong militar nga ini. Antes sini, napatay ang puno nga upisyal sang 26th IB nga si 2Lt. Al Mier sang maglunsar sang operasyong isnayp ang mga hangaway sang RPC sadtong Hunyo 12 sa Barangay Zamboangita, Malaybalay.

Sadtong adlaw man nga ina duha ka beses nga hinaras sang isa ka iskwad halin sa Jabagat-Acenas Guerilla Unit sa idalum sang Eking Balacuit Command ang mga nagapatrulya nga tropa sang 8th IB sa Abakahan, Mat-i sa banwa sang Claveria, Misamis Oriental. Isa ka suldado ang napatay kag di maisip ang napilasan sa harasment.

Duha man ka aksyong pagsilut ang ginhimo sang BHB sining una nga bahin sang Hunyo.

Ginsilutan sang RPC sadtong gab-i sang Hunyo 8 sa Sityo Tagpaniki sa barangay man sang Zamboangita ang Concepcion Basic Builders Inc., isa ka abusado nga kumpanya sa konstruksyon. Sinunog sang mga Pulang hangaway ang duha ka *concrete mixer*, tatlong *dump truck*, isa ka *payloader*, isa ka *pierson*, isa ka *grader*, isa ka *compressor* kag isa ka motor. Nakakumpiska

man ang mga gerilya sang isa ka kalibre .38 rebolber. Ang Concepcion Basic Builders, nga ginapag-iyahan ni Ong Oh, aktibo nga nagakontra sa rebolusyonaryong hublag kag pinaka-manghimulos sa mga mamumugon sini. Pangatlong beses na ini nga ginsilutan sang BHB. Una ini nga ginhatagan sang silut sa Butuan City kag Surigao del Sur.

Bangud sa sunud-sunod nga kahalitan nga nabaton sini sa kamot sang BHB, mga di armadong sibilyan ang ginbalikan sang kaakig sang AFP. Masobra 70 pamilya (mas o menos 350 katawo) halin sa mga mabukid nga sityo

sang Mahayag, Malilong, Biernes kag Baloodo sa Zamboangita, luwas pa sa mga residente sang kalapit nga baryo sang St. Peter ang napilitan magbakwit pakadto sa sentro sang Zamboangita sang mag-istraping ang isa ka helikopter nga Huey sa Mt. Pantaron sa dulunan sang Bukidnon kag Agusan del Sur. Bunga sang mabangis nga operasyong militar, "no

man's land" sa subong ang mga erya nga nasambit. Buot silingon, sinoman nga makita sang kaaway sa lugar, sibilyan man ukon armado, pagaluthangon nila. AB



Elemento sang *death squad*, ginsilutan

Ginpanaugan sang rebolusyonaryong silut ang isa ka elemento sang *death squad* sang AFP sa Misamis Occidental sining Hunyo. Si Cpl. Oliver Berja sang Philippine Army Intelligence Group ginpinahan sang isa ka guban sang mga partisano sa idalum sang Front Monterosa Command sa tindahan sang pumuluyo sang Calamba sadtong aga sang Hunyo 4.

Si Berja isa sa pinakamasupog nga manugpatay-tawo nga nagatarget sa mga di armado nga aktibista kag ginaspetsahan nga tagasuporta sang armado nga rebolusyonaryong hublag sa Misamis Occidental.

Responsable si Berja sa pagpatay kay Junie Halem, aktibista sang Bayan Muna nga ginpatay sa Barangay Sulipat, Calamba sadtong Disyembre 2005. si Berja man ang iligal nga dumakup kag pumatay kay Aniceto Cainila, kapitan sang barangay sang San Isidro, Calamba kag ginpagguwa sang AFP nga simpatisador sang BHB. Aktibo nga nagamentenar si Berja sang lambat paniktik sa mga banwa sang Lopez Jaena, Plaridel, Calamba kag Sapang Dalaga sa Misamis Occidental. AB

Wala untat nga pagpamatay

Ginmandu ni Arroyo sining Hunyo 16 ang pagbahin sang P1 bilyong pondo para dunuton kuno ang rebolusyonaryong hublag sa sulod sang duha ka tuig. Nalipay kaayo si Maj. Gen. Jovito Palparan, numero uno nga berdugo sang rehimen kag hepe sang 7th ID, nga gilayon nagmandu sang pagpasanyog kag pagpalapad sang kampanyang militar sa Central Luzon.

Partikular nga gintumod ni Palparan ang mga banwa sang Lubao kag Sasmuan sa Pampanga bilang mga target sang kampanya. Iga-sunod kuno ang mga banwa sang General Tinio kag Penaranda kag Gapan City sa Nueva Ecija.

Sadtong nagligad nga simana, ginmandu ni Palparan ang deployment sang 500 suldado kag pagtukod sang mga detatsment sa 57 barangay sa City of San Fernando, Angeles City kag Mabalacat sa Pampanga kag sa Malolos City, Bulacan, Obando, Hagonoy, Pandi kag Sta. Maria sa Bulacan.

Ginpakamalaut sang nagkalain-lain nga progresibong partido kag organisasyon ang bag-o nga mandu. Siling nila, labi subong nga nabutang sa katalagman ang ila mga katapu nga pilit ginaangot sang rehimen sa armado nga rebolusyonaryong hublag. Nagakakulba sila nga labi subong nga magabaskog ang buot sang mga manugpatay-tawo sang rehimen nga himuon ang ila kampanya sang pagsabwag sang kakugmat.

Masunod ang pinakaulihi nga nareport nga mga kaso sang pasis-tang pagpamatay:

Hunyo 20. Pinatay sang mga nakamaskara nga lalaki si Eladio Dasi-an, aktibista sang Karapatan, sa Guihulngan, Negros Oriental. Nagamotorsiklo si Dasi-an sang bungguon siya sang isa ka dyip nga may sakay nga apat ka lalaki. Nagpanaog ang nasambit nga mga lalaki kag ginluthang siya.

Hunyo 19. Ginpatay sang mga di nakilalang lalaki ang magtiayon nga sanday Mazel kag George Vigo sa Kidapawan City. Si Mazel anay katapu sang Bagong Alyansang Makabayan kag *media liaison officer* ni Rep. Emmylou Talinio-Santos (1st District, North Cotabato). Isa man ka aktibista si George. Nagapauli sila halin sa tindahan ang matabo ang pagpanglambat.

Hunyo 17. Ginpatay sang duha ka nakamotorsiklo nga lalaki sa Barangay Loboc, Oroquieta City si Tito Marata, *media officer* sang

Kilusang Magbubukid ng Pilipinas-Western Mindanao.

Hunyo 11. Ginpatay sang duha nga nakamotorsiklo nga lalaki sa Bongabon, Nueva Ecija si Rodolfo de los Santos, lider sang Alyansang Magbubukid sa Gitnang Luzon.

Hunyo 8. Ginpatay sang nakamaskara nga mga lalaki nga sakay sang isa ka van si Rafael Markus Bangit, lider sang Cordillera People's Alliance kag Bayan Muna. Nabiyahe siya sadto halin sa Kalinga padulong sa Baguio City. Natabo ang pagpamatay samtang temporaryo nga nakapondo sa Pines Restaurant sa San Isidro, Isabela ang ginasakyan niyang bus. AB

Gloria, ipokrita

Ginbasura na sang reaksyunaryong gubyrno sining Hunyo 6 ang silut nga kamatayon.

Ginkamas sang Malakanyang ang pagbasura sini bilang bahin sang pagtinguha ni Arroyo nga magpahamot sa Simbahan Katoliko kag makatakas sa indi matapus-tapos nga kwestyon sa pagkalehitimo sang iya rehimen.

Abi mo kon sin-o nga santa si Arroyo nga nagasermon bahin sa kasagraduhan sang kabuhi sang tawo.

Samtang dalayon na nga ginpasarhan ang *lethal injection chamber* sang Bilibid, ginpaigting naman ang pagpamatay sa mga aktibista, peryodista ukon sin-o man nga ginasigahum nga kaaway sang rehimen. Samtang nagapakita sang kuno pagkaluoy sa mga sentensyadong kriminal, ginasentensyahan naman sa guwa sang husgado ang mga tawo nga wala sang iban nga krimen kundi batuan ang isa ka kriminal nga rehimen.

Kon usisaon, ginkumpleto sang rehimen nga indi san-o man nanging epektibo ang silut nga kamatayon para tapnaon ang kriminalidad. Sa pagkamatuod, ang kriminalidad indi tubtub san-o matapna sang isa ka gubyrno nga amo mismo nagasabwag sang pinakamalaot nga mga krimen. AB


Pagpang-ipit kay Ka Joema Sison

Padayon ang pagpang-ipit sang rehimeng Arroyo kay Kaupod Jose Ma. Sison. Sining Hunyo, gin-anunsyo sang mga tinawo sang rehimen ang pagpasaka sang maabot sa 632 kaso batuk sa iya sa nagkalain-lain nga korte sa Pilipinas kag sa The Netherlands kon sa diin naga-estar subong si Ka Joema.

Lakip sa igapasaka ang kaso nga pagpatay kuno kanday Romulo Kintanar kag Arturo Tabara. Si Kintanar kag si Tabara lunsay napatay sa mga operasyon pang-aresto sa ila sang BHB. Naka-insulto kag daku nga pagpanamad ang akusasyon sang rehimen nga dalahig siya sa pila sa mga kaso sang pagpamatay sang mga *death squad* sa mga lider kag myembro sang mga progresibong organisasyon. Ginaakusahan man siya sang rehimen nga nagmandu sa paglunsar sang mga taktikal nga opensiba kag iban pa nga aksyong militar sugod sadtong 2003.

Nagapadayon nga kabahin sang pagpangharas kag pagpang-ipit sang rehimen ang pagpasaka sang mga himu-himo na kaso. Ginagamit ini sang rehimen agud ilihis ang atensyon sang pumuluyo sa nagalaba nga listahan sang mga paglapas sa tawhanong kinamatarung kag sa mga kaso sang pagdinaya sa eleksyon, korapsyon kag iban pa. Sa isa ka pahayag, ginsiling ni Ka Joema nga indi madula sa atensyon sang pumuluyo ang mga salabton sang rehimeng US-Arroyo sa pagpatay sa 680 ligal nga aktibista, ang pwersahan nga pagkadula kag tortyur sang ginatus-gatos kag malaparan nga pagpanalakay sang militar sa sahing mamumugon sa nagkalain-lain nga rehiyon.

Indi sakup sang hurisdiksyon sang Pilipinas si Ka Joema sa idalum sang internasyunal nga layi. Bilang isa ka *political refugee*, ginaprotektahan siya sang Refugee Convention kag Article 3 of the European Convention on Human Rights. Lakip sa ginabawal sang nasambit nga pagsulundan amo ang pagpatalsik kay Ka Joema sa diin man nga pungsod pakadto sa anuman nga lugar nga magbutang sa iya sa peligro sang tortyur kag di makatawo nga pagtrato. Dugang pa, wala sang *extradition treaty* sa tunga sang Pilipinas kag sang The Netherlands. AB




Kaso sang Batasan 5, ginpauntat

Ginmandu sang Korte Suprema sining Hunyo 14 sa Department of Justice (DoJ) nga untaton na ang pagbista sa kasong rebelyon batuk sa Batasan 5 kag 40 iban pa tubtub indi maresolbar ang halambalanon nahanungod sa ligalidad sang nauna na nga ginpasaka nga kasong rebelyon batuk kanday Rep. Crispin "Ka Bel" Beltran sang Anakpawis kag 1Lt. Lawrence San Juan. Una na nga ginbasura sang Makati RTC Branch 137 ang kasong rebelyon batuk kanday Rep. Satur Ocampo, Teddy Casino kat Joel Virador sang Bayan Muna, Rafael Mariano sang Anakpawis kag Liza Maza sang Gabriela Women's Party bangud lapas sa proseso ang pagdugang sang ila mga ngalan sa listahan sang mga akusado sa kasong rebelyon nga ginpasaka batuk kanday Ka Bel. AB

Japan, ginakumbinse nga iatras ang ayuda

GINA-INSISTER sang mga internasyunal nga organisasyon pang-embayronment sa gubernong Japan nga repasuhon ang programa sini sa ayuda nga pangkauswagan (*development aid*) para sa gubyerno sang Pilipinas bangud sa nagadaku nga numero sang mga ginapamatay



nga aktibista nga maki-embayronment diri. Lakip sa mga organisasyon nga pang-embayronment nga ini ang Friends of the Earth (FoE)-Japan, International Rivers Network (IRN) nga nakabase sa US, Korean Asian NGO Center kag Yon Ghe Community University of Taiwan.

Ang mga pondo nga halin sa Japan nagakadto sa mga proyekto pang-enerhiya, dam kag pagmina.

Nagapanawagan ang nasambit nga mga organisasyon sa gubernong Arroyo nga untaton ang pagpamatay kag harasment sa mga *environmentalist* nga nagabato sa pagmina, iligal nga pagtroso kag iban pa nga pang-abuso sa embayronment. Nagalab-ot na sa 15 aktibista ang maki-embayronment ang ginapamatay sa idalum sang rehimeng Arroyo. May duha man nga ginkuot ukon ginbakol.

Isa sa mga pinakaulihi nga biktima amo si Jose Doton, puno sang Tignay dagiti Mannalon a Mangwayawaya ti Agno (TIMMAWA) nga katuwang sang mga *non-governmental organization* nga Japanese sa pagbato sa mapangguba nga San Roque Multipurpose Dam Project. Si Doton ginpatay sa San Nicolas, Pangasinan sadtong Mayo. Ginkuot sadtong Marso sa Baler, Aurora sang mga ginadudahan elemento sang 48th IB si Joey Estriber, isa ka aktibista kag brodkaster nga kilala sa iya pagpakamalaut sa sa iligal nga pagtroso sa prubinsya. AB



Hilikuton bidyo sa Southern Mindanao

Gintukod sang Merardo Arce Command-BHB (Southern Mindanao Regional Operational Command) sadtong 2005 ang Pulang Bagani Productions (PBP). Sabat ini sa panawagan sang Partido nga pagpagsikon ang pagpagguwa sang mga produksyong bidyo bilang bulig sa edukasyong masa kag propaganda.

Daku nga hangkat sa mga kaupod nga ginpakat diri ang pagpamtuman sang ila katungdanan sa atubang sang kakulangan sang kaalaman sa sining hilikuton kag midyum. Pero matapos matigayon ang basehang paghanas, madinalag-on nga napagguwa sang PBP ang una nila nga produksyon nga ginatig-uluhan "Rebolusyonaryong Medik." Ginpagguwa sa bidyo ang mataas nga lebel sang kahanasan kag kaalaman sang mga medik sang BHB sa pagpamulong kag pag-opera. Binuligan sila sang mga kaupod nga may kahanasan sa mga operasyong medikal.

Nag-ani ang produksyon nga ini sang mga positibong komentaryo halin sa mga nakalantaw kag nakahatag-inspirasyon sa PBP nga mas nga pasanyugon ang ila ikasarang kag trabaho.

Dokumentasyon sang mga taktikal nga opensiba

Ang pagbwelo sang mga taktikal nga opensiba sa rehiyon sadtong nagligad nga tuig ang masunod nga gintum-ukan sang PBP. Nagsugod nga magpagguwa ang Merardo Arce Command kag PBP sang mga plano kon paano ang mangin kondukta sa pagkuha sang bidyo sa mga aksyong militar.

Isa sa mga gintumod nga himuan sang bidyo ang plano nga reyds sa hedkwarters sang PNP sa munisipyo sang Magpet, North Cotabato sadtong Hunyo 26, 2005. Halin sa pagplano tubtub sa aktwal nga reyds kag pag-atras, upod

sang yunit nga nagahimo sang reyds ang isa ka myembro sang PBP nga kapot ang kamera. Gintalana siya sa isa ka tim sang BHB agud makuhaan niya ang aktwal nga pagsulod kag pagpasurender sa mga pulis. Nagtalana sang mga kaupod nga magaasikaso sa iya seguridad kag nag-isyu sa iya sang malip-ot nga pusil para sa iya depensa.

Tatlo ka simana matapos ang nasambit nga reyds, ginpagguwa sang PBP ang "Kilab" (kirab ukon dalugdog sa Hiligaynon) na maid-id nagdokumento sa taktikal nga

opensiba. Sa sulod sang 25 minutos, nasaysay sa maathag kag buhi nga paagi ang mauti nga pagpreparar sang *relief map* agud may maathag nga ideya ang mga kaupod sa latag sang ila target nga hedkwarters sang PNP. Napakita man ang aktwal nga operasyon, halin sa pagbiyahe, madasig kag sistematiko nga pagsulod sa kampo, pagpasurender sa mga pulis nga yara sa sulod sini, pagkumpiska sang mga gamit kag armas kag

hilway nga pag-atras. Nakuha gid ang kadalag-an sang reyds nga wala lupok kon sa diin nakaagaw ang mga kaupod sang 24 armas sa sulod lamang sang walo ka minutos.


Dugang sa kadalag-an sang aktwal nga reyds, napakita man sa bidyo ang mataas nga lebel sang ikasarang sang mga Pulang kumander kag hangaway sa hilikuton paniktik kag ang hugot nga disiplinang sang BHB sa pagsunod sa mga internasyunal nga makatawong layi kag pagsulundan sa gera. Ginpadamo kag ginapalapnag ang "Kilab" sa mga prenteng gerilya, sa mga banwa kag sa masmidya.

Ang eksperensya nga ini ang nangin tungtungan sa labi pa nga pagpauswag sa sistema sang pagkuha sang bidyo sa masunod pa nga mga taktikal nga opensiba. Pila sa mga ini ang ambus sa Montevista, Compostela Valley kag mga reyds sa mga istasyon sang PNP sa Quezon, Bukidnon; sa Loreto, Agusan del Sur; kag sa Lingig, Surigao del Sur.

Alternatibong pelikula

Nagpagguwa man ang PBP kag ang Public Information Bureau sang Merardo Arce Command sadtong Oktubre 2005 sang isa ka 30-minutos nga interbyu kay Leonardo Pitao nga mas kilala pangalan nga Ka Parago. Tampok diri ang mga panan-awan bahin sa mga nagabaga nga isyu nasyunal kag lokal, pati man ang kahimtangan sang rebolusyonaryong hublag.

Sundan sa "Bidyo...", pahina 8



Ka Apol, bag-ong hangaway

Alas 9:00 sang aga sa sulod sang kampo sang BHB-Front 14 sa dulunan sang Surigao del Sur kag Agusan del Sur. Masinadyahon nga nagakinanta ang isa ka grupo sang mga Pulang hangaway. Naga-ensayo sila para sa pangkultura nga palaguwaon nga igalunsar sa gab-i sa kaingod nga baryo. Isa sa mga may pinasahi nga tingog amo si Ka Apol.

Si Ka Apol isa ka 23 anyos nga dalaga nga nag-entra sa BHB sadtong lamang Pebrero. Nakapaidalum siya sa isa ka platoon sa isa ka prenteng gerilya sa Northeast Mindanao Region (NEMR). Bag-o lang niya natapos ang kursong edukasyon sa isa sa mga unibersidad sa Mindanao sadtong 2005.

Nangin aktibo si Ka Apol sa unibersidad kaangot sa mga halambalanon pangkampus kag pungsodnon sugod 2004. Sadtong 2005, ginrekluta siya sa Kabataang Makabayan kag sang ulihi gintalana bilang upisyal pang-edukasyon sang iya kolektibo. Sang magtapos, nagdesisyon siya nga maghulag sang pultaym sa kubay sang mga estudyante. Sadtong Pebrero 2006, ginpasugtan sang iya kolektibo



ang iya hingyo nga mag-eksposur sa kaumhan sang tatlo ka bulan. Pero matapos ang pila ka adlaw nga integrasyon sa isa ka yunit gerilya nagdesisyon siya nga mag-entra sa BHB, nga ginpasugtan naman sang iya kolektibo.

Si Ka Apol isa sa napulo nga pamatan-on nga bag-ong myembro sa BHB-Front 14. Anum sa ila babaye kag apat ang lalaki. Tatlo sa ila naghaling sa mga unibersidad sa mga syudad sang Mindanao. Luwas sa ila, may ara man nga tatlong babaye nga estudyante

sundan sa pahina 9

"Bidyo..." halin sa pahina 7

Ang pagpagguwa sang interbyu nga ini sampal man sa 73rd IB nga antes sini nagdeklarar nga dakpon si Ka Parago sa sulod sang anum ka bulan. Ang produksyon nga ini malapnagon nga ginpanagtag sa sulod kag guwa sang pungsod. Ginpagguwa man ini sa lokal nga telebisyon sa sulod sang tatlo nga magkasunod nga adlaw.


Sang Nobyembre 2005 naman, nakapagguwa ang PBP kag Magtanggol Roque Command (Front 51 Operational Command) sang isa ka bidyo sang pagpasidungog kay Renante "Ka Benjie" Edisa, 32. Si Ka Benjie ang nagatindog nga sekretaryo sang nasambit nga prente ginpatay sang AFP sadtong Nobyembre 21, 2004 sang salakayon sang mga elemento sang 39th IB ang balay nga iya ginahukmongan. Sa bidyo nga ini, ginpamatud-an paagi sa pagpakighinun-

anon sa mga nakasaksi sa pagpang-atake sang militar kag sa pagsaysay sang mga materyal nga ebidensya nga wala sang inugbato nga ginpatay sang AFP si Ka Benjie. Baliskad ini sa ginapagguwa sang militar nga nagbato siya sa isa ka armadong engkwentro.

Sa tunga sang lapnagon nga impluwensya sang pyudal kag burges ang telebisyon kag mga pelikula pati sa sulod mismo sang mga sona kag prenteng gerilya, nagaserbi nga alternatibo sa mga burges nga pelikula ang mga rebolusyonaryong bidyo-dokumentaryo. Ginpanagtag sa mga tagabaryo sa mga sona kag prenteng gerilya sa rehiyon ang mga rebolusyonaryong pelikula. Naglunsar sang tingub nga paglantaw sa mga baryo ilabi na sa mga lugar kon sa diin may kuryente, telebisyon kag DVD/VCD player. Ginapagguwa naman ini

paagi sang mga *laptop computer* sa mga kampo kag iban pa nga lugar nga wala kuryente. Daku man ang naamot sini bilang suplemento nga materyal sa mga pagtuon. Sa sini nga paagi nahimo nga mas masinadyahon kag madali mapaabot sa masa ang sumada sang mga topiko nga ginatalakay.

Sa sulod lamang sang isa ka tuig, madinalag-on nga naipopularisa ang mga rebolusyonaryong bidyo-dokumentaryo kag pelikula sa kubay sang masa kag mga kaalyado sa sakup sang mga prenteng gerilya kag sa mga naimpluwensyahang lugar. Ginakakun-yagan sang mga manuglantaw sini ang kada produksyon nga ginapanagtag sang Pulang Bagani Productions ilabi na nga hugot nga nakaangot ini sa mga pangmasang paghimakas kag naangot sa mga mainit nga lokal nga isyu pangkatilingban. **AB**



nga naga-eksposyur.

Ang pag-entra sang mga bag-o nga pamatan-on nga rekrut sa BHB-Front 14 bunga sang kolektibo nga sabat sang rehiyon sa panawagan sang Partido Komunista sang Pilipinas nga pasanyugon ang rekrutment para sa hangaway sang banwa halin sa kubay sang pamatan-on-estudyante. Nahibal-an sang rebolusyonaryong hublag ang kakinahanglanon para sa kahanasan kag kaalaman sang mga pamatan-on nga nakatuon agud labi pa nga mapauswag kag maisulong ang armado nga rebolusyonaryong hublag sa kaumhan. Bunga sang amo nga paghatag importansya sa mga maamot nila kag panawagan nga mag-entra sa armado nga rebolusyonaryong hublag sa kaumhan, nangin posible ang pagpauswag sang madamu nga pamatan-on pareho ni Ka Apol nga handa mag-atubang sa mga hangkat kag hilikuton ilabi na sa kaumhan.

Ang mga pamatan-on kag estudyante nga naga-entra sa Front 14 gilayon nga ginahanas sa nagkalain-lain nga hilikuton sa hangaway. Suno kay Ka Bong, kumander sang nasambit nga prente, pinakamadali matun-an sang pamatan-on nga halin sa syudad ang mga hilikuton nga may kahalabtanan sa ila partikular nga kahanasan kag kaalaman, pareho sang hilikuton sa edukasyon, propaganda, medikal, mga hilikuton

teknikal kag nagkalain-lain nga administratibong hilikuton. Madali nila matun-an ang mga hilikuton nga katumbas sini kag sa sulod sang malip-ot nga panahon daku ang maamot nila sa yunit.

Suno kay Ka Bong, matuod nga nabudlayan ang mga pamatan-on-estudyante sa mga bagay nga indi nila nahanasan pareho sang paglakat sang malayo, pagtrabaho sa uma, pagbugtaw sang temprano pa kag mga pareho nga hilikuton sang mga mangunguma. Pero ang mga bagay nga ini madali man matun-an sang mga bag-o nga hangaway kag nakapan-gibabaw sila sa mga limitasyon.

Sa kaso ni Ka Apol, isa sa mga kabudlayan nga gin-agyan niya amo ang pagbugtaw sang alas-4 sang aga kag ang pabag-o-bag-o nga oras sang pagbugtaw sang mas temprano pa kon may pagbulos-bulos sa pagwardya. Pero mamag-an niya ini nga ginbaton bangud bal-an niya ang importansya sini sa kabuhi-gerilya kag sa kabuhi sang tanan nga kaupod sa yunit. Naagyan man niya ang kabudlayan sa malayo nga paglakat ilabi na kon malunang kag madanlog ang mga dalan sa panahon sang tagulan. Yara man ang pag-angkon niya sang mga pilas dulot sang mga natapakan nga tunok kag matalom nga bato, nahapit nga putol nga sanga nga nagalabaw sa alagyan kag iban pa. Naagyan man niya nga magutman sang iblokeyo sang naga-operasyon nga kaaway ang mga ruta sang suplay. Pero siling niya, "ang tanan na kabudlayan hingalit lamang kag madali nga mapangibabawan kon yara sa isip ang maayo nga ginahandum nga

katuyuan." Dugang pa niya, "Bisan mabudlay ang mga trabaho diri sa hangaway kag ang kahimtangan diri sa kaumhan, malipayon ako sa luyo sang mga kaupod kag masa. Daku ang nabulig nila sa akon agud mangin aktibo kag determinado sa atubang sang mga kabudlayan kag limitasyon." Bag-o pa man siya mag-entra may mataas na na paglantaw ni Ka Apol sa BHB.

Nagduha-duha lamang siya kon masaranggan sang isa ka "kolehiyala" nga pareho niya ang kabuhi gerilya. Daku, siling niya, ang nabulig sa iya sang mabasa niya ang artikulo sa *AB* bahin kay Ka Nadia (*lantawon ang isyu nga Enero 21, 2006*). Naghatag ini sang inspirasyon kag kumpyansa sa iya nga magbag-ong kabuhi, magpursiger sa pag-entra sa BHB kag sundan ang mga pareho ni Ka Nadia.

Nahibal-an sang mga ginikanan ni Ka Apol ang iya paghulag. Nagakabalaka sila para sa iya kaluwasan pero ginarespeto nila ang panindugan kag desisyon sang ila panganay nga anak. Manggaranon nga mangunguma ang sahi nga ginhalinan sang mga ginikanan ni Ka Apol. Daan man sila nga mga katapu sang mga organisasyong masa sang mga mangunguma sad-tong dekada 1980 pero nangluya dahil sa mga kahalitan nga gindulot sang mga paglihis. Patimaan sang panibag-ong pagpagsik kag pagsalig nila sa rebolusyonaryong hublag ang pagsuporta nila sa pag-entra ni Ka Apol sa hangaway sang banwa.

Sa subong ginahulat ni Ka Apol kag iban pa nga pamatan-on nga bag-ong entra sa Front 14 ang paglunsar sang pormal nga paghanas sa pulitiko-militar. Pareho sang iban pa nga bag-ong katapu sang BHB, handa siya madestino diin man nga prente matapos ang treyning kag iban pa nga mga pagtuon nga iya pagaagyan. **AB**

Pagrekrut sang mga mersenaryong Pilipino

Ang pagrekrut sang mga Pilipino bilang mersenaryo para sa agresyon kag okupasyon sang US sa Afghanistan, Iraq kag iban pang pungsod labaw nga nagatampalas sa pungsodnon nga soberanya sang Pilipinas kag mga ginapasilabtan nga pungsod. Labas ini sa mga internasyunal nga layi kag sa sibilisadong nga pamaagi sa gera. Ginapalain sini ang imperyal-istang agresyon sang US kag nagapamahug sang dugang nga pagpasilabot militar sang US sa pungsod gamit ang mga armadong mersenaryo batuk sa mga rebolusyonaryong pwersa kag pati mga hayag kag ligal nga demokratikong hublag sa Pilipinas.

Diri, ginahimo ang pagrekrut paagi sa Blackwater USA kag Triple Canopy, mga pasista nga kontratis-tang militar nga nagasuplay sang mga mersenaryo para sa US. Agud daw ligal ang ila operasyon, ginapagguwa sang mga ini nga sila nagarekrut lamang sang mga *security consultant*, *security specialist* kag gwardya.

Ginakasangkapan sang Blackwater ang mga nagasampaw-sampaw nga mga kumpanya bilang pangkober sa operasyon sini sang pagpangrekrut sang mga merse-naryo. Isa ka *placement agency* nga rehistrado sa Philippine Overseas Employment Agency ang nagahimo sang rekrutment sang mga Pilipino agud magserbi nga mga *security guard* sa US Embassy sa Afghanistan. Ang paghanas sa ila sa *jungle survival* kag *close quarter combat* ginatigayon sang Satelles Solutions Inc., isa ka lokal nga kumpanya nga nagatiglawas sa Grey-stone Ltd, ang internasyunal nga kamot sang Blackwater.

Permi na wala sang nahibal-an kag pagbalibad nanday Executive Secretary Eduardo Ermita kag National Security Adviser Noberto Gonzales bahin sa Blackwater kag sa anuman nga kahilab-tanan sang

Malakanyang diri. Pero madamu nga mga aktwal nga dokumento kag tes-tigo nga nagbuyagyag nga binas-basan sang Malakanyang, paagi sang Office of the President, ang operasyon sang Blackwater kag sang mga kumpanya nga nagaserbi nga kober sini. Sa interbensyon sang Malakanyang, ginhatagan permiso ni Fil Salonga, tagapangulo sang Subic Bay Metropolitan Authority, ang Satelles nga tigayunon ang ila "negosyo." Base sa memorandum sang kasugtanan sa tunga sang Satelles kag Subic Bay Metropolitan Authority para sa paggamit sang Satelles nga may petsa nga Mayo 29, ginatugutan ang Satelles nga magtukod sang *recruitment center* kag gamiton ang duha ka ektarya nga duta kag duha ka daku nga bilding diri para sa mga paghanas (lakip sa pinatugutan ang pagtukod sang *firing range*) kag operasyon sa Subic Freeport sa sulod sang tatlo ka tuig.

Liwat ginpalapad subong sang Blackwater USA kag iban pa nga *private military company* (PMC) ang rekrutment sang mga mersenaryo sa mga malakolonya sang US bangud daku ang makinot sini. Yara sa 20% lamang ang ginabayad sini sa mga mersenaryo halin sa mga atrasadong pungsod (\$1,000-\$1,750 kada bu-lan ukon P1,050,000 kada tuig) kumparar sa mga mersenaryong Amerikano (\$5,000-\$7,500 kada bulan).

Target sang rekrutment sang Blackwater ang aktibo kag daan nga mga pwersa sang mga Special Oper-

ations Unit sang AFP pareho sang Army Scout Ranger, Army Special Forces, Air Force Special Operations Wing, Navy Special Warfare Group kag Marines Force Recon. Target man nila ang mga katapu ang PNP Special Action Force. Madali sila maengganyo bangud sa mas daku sangsa subong ang pagabatunon ni-la nga sweldo bilang mga merse-naryo.

May pila nga mersenaryong Pilipino na nga ginpadala ang Blackwater sa Iraq sa pihak sang up-isyal na pagbawal nga magtrabaho didto. May mga kahimbon sa Department of Foreign Affairs ang Blackwater kag Triple Canopy, isa pa nga kumpanya nga nagarekrut sang mga mersenaryo. Kon indi man, ginapaagi sila sa Saudi Arabia ukon iban nga pungsod kag halin diri ginapalusot sila sa Iraq. Ang mas madamu sang narekluta nga merse-naryo halin sa Pilipinas ginapadala sa Iraq (masobra 300, kadam-an mga anay suldado) amo ang Triple Canopy nga gintukod sang mga daan nga myembro sang US Special Forces kag nagtukod man sang ahensya nga pangrekrut sini sa Subic. Plano sang Triple Canopy nga magrekluta sang mga 1,000 mersenaryong Pilipino kada bulan.

Nagakadapat lamang nga todo-todo nga ibuyagyag, kundenahon kag palayason ang Blackwater, Triple Canopy kag iban pang ahensya nga nagarekrut sang mga mersenaryo halin sa Pilipinas agud dal-on sa mga gerang agresyon kag okupasyon sang US sa iban nga pungsod. May posibilidad nga madamu nga mersenaryo halin sa Pilipinas nga ginpadala sa msobra nga ang mga ginarekrut nga mersenaryong Pilipino pagagamiton man sang US batuk sa mga rebolusyonaryong pwersa kag pati sa mga hayag kag ligal nga demokratikong hublag sa Pilipinas.

AB



Ang paggamit sang US sang mga mersenaryo sa pagpanggera

Lapnagon ang paggamit sang US sang mga mersenaryo sa ginahimo sini nga okupasyon sa pungsod Iraq kag Afghanistan. Indi magnubo sa 25,000 nga mga armadong mersenaryo sang US ang nakadeploy subong sa Iraq, Afghanistan kag iban pang pungsod.

Kadam-an sa ginarekrut kag ginahanas nga mga mersenaryo amo ang mga Amerikano, pero madamu man ang naghalin sa nagkalain-lain nga pungsod tulad sang Chile, Colombia, El Salvador, Nicaragua, Peru, Fiji, India, Pilipinas, Bosnia kag South Africa. Halos pareho ang numero sang mga mersenaryo kag regular nga suldado sang US sa Iraq kag Afghanistan.

Ang mga mersenaryo ginarekrut kag ginahanas sang mga ginatawag nga mga *private military company* (PMC) pareho sang Blackwater USA kag Triple Canopy. May tatlo ka pangunahon nga katuyuan ang US sa paggamit sang mga mersenaryo: Una, agud mata-go ukon madisimular ang pagdeploy dugang nga pwersa pang-away kag pangseguridad nila kag malikawan ang nagalapnagon nga pagkunderar sa midya, protesta sang pumuluyo kag labing pagkahamulag ni US President George W. Bush. Labing nagabaskog ang pagpamatuk sa gera sa Iraq kag Afghanistan sa tunga sang nagadaku nga numero sang kaswalti nga Amerikano. Sining Hunyo 2006, nagalab-ot na ang mga kaswalti sa kabilugan nga numero nga 2,500 patay kag masobra 18,000 pilason kag napiang. May mas daku pa nga numero sang natroma kon indi man nadayunan nga nasamaran sang ulo. Sa paggamit sang mga mersenaryo, napagguwa nga mas magamay ang numero sang

mga nakadeploy subong nga mga suldadong Amerikano kag ang ginangkon nila nga kaswalti bangud wala ginalakip sang US sa upisyal nga numero sini ang mga mersenaryo.

Ikaduha, padayon ang paggamay sang numero sang mga bagong rekrut nga militar sang US. Ginkulang sang 10% sadtong nagligad nga tuig ang rekrutment sa US Army kag 25% naman sa US National Guard. Gamay nga ginapun-an ini paagi sa pagpalawig sang *tour of duty* (pagpanerbisyo) sang ila mga sul-



dado. Ang mga kakulangan sa mga regular nga suldado ginapun-an paagi sa paggamit sang mga mersenaryo.

Ikatlo, paaagi sa mga mersenaryo, natabunan sang US ang mga "espesyal nga operasyon" nga indi mabaton-baton sa publiko kag ginadumili sang mga layi sang US kag sang internasyunal nga pagsulundan sa gera. Bangud nagahulag sila nga likum kag wala nasakup sang mga layi, sa ila masami ginapahimo ang mga mahigko kag malaut nga operasyon nga indi pwede himuon nga ligal kag hayag sang mga regular nga mga armadong pwersa kag sang gubyrno sang US.

Lakip sa mga masami nga ginapahimo sang militar sang US sa mga mersenaryo ang pagtortyur kag pagpamintas sa mga bilanggo sa mga kulungan sang US sa iban nga pungsod, pareho sang Abu Ghraib (Iraq) kag sa Guantanamo Bay (Cuba). Madamu man sa ila ang ginapaserbi nga mga gwardya sa mga kampo militar ukon badigard sang matag-as nga upisyal sang US sa mga okupado nga pungsod. **AB**

Ano ang mga mersenaryo?

Ang mga mersenaryo amo ang mga bayaran nga suldado nga wala analakip sa regular nga armadong pwersa sang isa ka pungsod. Nagapasakup sila sa mga armado nga inaway para sa ila personal nga interes lamang. Ang paggamit sang mga mersenaryo supak sa pangkalibutanon nga mga regulasyon sang gera kag wala ginakilala sang Geneva Conventions. Ang mga mersenaryo indi kabahin sa mga pwersa nga mahimo hatagan sang mga kinamatarung bilang bihasang-gera ukon *prisoner of war*. Wala ginabaton ang mga mersenaryo sa anuman nga bahin sang kalibutan, gani masami sila nga ginagamit sang likum kag sa mga operasyon nga iligal. **AB**

Ang Blackwater kag Triple Canopy

Ang Blackwater USA gintukod sadtong 1997 agud magsuplay sang pribado nga pwera nga magaserbi nga di-upisyal nga pagdugang sa mga regular nga miliar sang US. Gintukod ini ni Erike Prince, isa nga anay suldado sang Navy SEAL kag ultra-konserbatibo nga tagasuporta sang partido Republican kag ni President George W. Bush sang US.

Pinakadaku nga kontratista ang Blackwater para sa mga kinahanglanon pangserguridad sa US kag isa sa mga pangunahon nga nakabenepisyo sa gera sang US sa Iraq. Halin 2001, nagdaku sang masobra 300% ang kita sang Blackwater. Lakip ang Blackwater sa mga nagasuplay sang pwera nga ginamit sang US sa pagsalakay sa Fallujah sadtong Nobyembre 2004, kon sa diin ginatus-gatos nga sibilyan ang wala kaluoy nga minasaker sang mga armado nga tropang Amerikano.

Ang Triple Canopy naman gintukod sang mga beterano sang Delta Unit, isa ka yunit sang US Special Forces. Nakabase ini sa Chicago, Illinois sa US. Sa subong may yara ini nga masobra 1,000 nga tinawo sa Iraq. Duha ka gatos diri mga Amerikano kag ang kadam-an naghalin sa Chile kag Fiji. Nagarekrut man ini Peru, Colombia, Pilipinas kag El Salvador.

Sadtong 2004, may \$90 milyon nga anum-ka-bulan nga kontrata ini nga "gwardyahan" ang 13 upisyal sang kolonyal nfa gubyrno nga gintukod sang US sa Iraq sadtong 2003. Ang mga upisyal nga Triple Canopy amo ang mabaskog nga tagasuporta man sang partido Republican kag sang kampa-nya pang-eleksyon sang magkatimbang nga Bush-Cheney sa US. AB



Pagpakalamaut sa Cha-cha



Mabaskog nga ginpakamalaut sadtong Hunyo 12 ang *charter change* (cha-cha) ukon pagbag-o sa konstitusyon nga ginaduso sang gubyrnong Arroyo. Ginpakita ini sang libu-libo nga demonstrador sa nagkalain-lain nga bahin sang pungsod samtang ginadumdum ang ika-108 nga anibersaryo sang kahilwayan sang pungsod halin sa kolonyalismong Espanyol sadtong 1898.

Sa Maynila, wala mapunggan sang 6,000 pulis kag 300 suldado ang paglunsar sang martsa-rali

sang masobra 10,000 batuk sa "cha-cha." Nagsinumbali ang mga banderang pula, puti kag asul sang magtipon sila bandang hapon sa Liwasang Bonifacio. Sa Caloocan City, may 3,000 ang nagrali sa monumento ni Gat Andres Bonifacio. Kinundena nila ang kawad-on sang kahilwayan kag lapnagon nga kaimulon.

Pinakadaku nga mobilisasyon ang natabo sa Negros Occidental kon sa diin masobra 15,000 ang nagmartsa kag nagtipon sa Bacolod City. Sa pagpanguna ni Bishop Vicente Navarra, ginpakamalaut sang mga raliyista ang pagpasulong sang Malakanyang sang Cha-cha kag ang Philippine Mining Act kag nanawagan sila nga padayunon ang pagbato para sa matuod nga kahilwayan.

Sa Iloilo City naman, pinangunahan ni Archbishop Angel Lagdameo, presidente sang Catholic Bishops' Conference of the Philippines (CBCP) ang tatlo nga kilometrong martsa sang may 3,000 anti-Arroyo nga pwera halin sa Jaro Plaza padulong sa Provincial Capitol Grounds. Kinundena ni Lagdameo ang kawad-on sang aksyon sang gubyrnong Arroyo sa nagadamu nga problema sa pungsod kag nanawagan nga pamatukan ang daw dik-tadurya nga paggihum sang rehimen.

Nangin makahas naman ang mga pulis sa Kawit, Cavite. Gindakup nila ang 13 mamumugon kag estudyante nga nagaprotesta, lakip si Ma. Theresa Pangilinan, nga daan gindakup bangud sa pagsinggit niya nga "pekeng presidente" sang magpamulong-pulong si Gloria Arroyo sa Cavite State University sadtong Abril. Ginbuhian ang mga aktibista pagkalipas sang tatlong oras.

Sa Davao City, wala makasulod sa syudad ang mga nagarali bangud sa gin-abangan sila sa dalan sang mga suldado sang Task Force Davao. Ang mga raliyista naghalin sa Compostela Valley, Davao del Sur kag Davao del Norte.

May mga aksyong protesta man sa Baguio, City of San Fernando, Legaspi City, Cebu kag sa iban pa nga syudad sa Mindanao. AB



Rali kontra sa CARP, makahas nga ginbungkag

NAGLAB-OT sa 5,000 mangunguma halin sa Southern Tagalog kag Central Luzon ang nagkadto sa Maynila agud kundenahon ang bogus nga reporma sa duta sang guberno ni Arroyo kag ang nagalala nga pasismo batuk ila mga organisasyon kag komunidad sadtong Hunyo 8-12.

Nagkadto sila, upod ang ila mga tagasuporta sadtong Hunyo 9 sa Mendiola. Wala pa man sila nakalapak sa Mendiola, ginsugata na sila sang ginatus-gatos nga mga pulis kag makahas nga binungkag ang ila kubay. Madamo ang nasakit, upod ang duha ka nag-agum sang mga pilas sa ulo kag kinahanglan nga dal-on sa ospital. Pag-abot nila sa tulay sang Mendiola, ginsugata sila sang mga *water cannon* kag liwat nga makahas nga ginbungkag ang ila kubay.

Gintyempo sang mga mangunguma ang ila mga paghulag sa ika-18 ka tuig nga anibersaryo sang bogus nga Comprehensive Agrarian Reform Program (CARP) sadtong Hunyo 10. Mabaskog nga ginkundenar sang mga mangunguma ang padihot sang rehimen nga palawigon pa asta 2013 ang kontra- mangunguma nga CARP.

Suno sa Kilusang Magbubukid ng Pilipinas kag PAMALAKAYA, pagamiton lamang sang rehimen Arroyo ang ekstensyon sang CARP indi para magpanagtag sang dugang nga lupa kundi para alagyan sang pondo nga pwede kurakuton niya kag sang iya mga tinawo. Napamatud-an na ni Arroyo nga epektibo nga nagamit ang CARP para huthutan ang kwarta nga nakatalana para sa mga mangunguma. Ini ang ginhino niya sa kinawatan nga manggad sang mga Marcos nga nakatalana para diri.

Wala bisan san-o nga nakapadipulos ang mga mangunguma sa bogus nga CARP. Nagamit pa ini para idingot sa mga mangunguma ang ila duta. Sa pagkamatuod, suno sa KMP, nangin instrumento pa ang CARP para labi nga pabaskugon ang mga dalagku nga agalon nga mayduta katulad ni Eduardo "Danding" Cojuangco, nga amo subong ang numero uno nga manug-agaw sang duta sa bilog nga pungsod.

Pagpamomba, himu-himo sang rehimen

GINTUYO sang rehimen nga pahugon ang pumuluyo paagi sa sunud-sunod nga pagpalupok sang bomba sa nagkalain-lain nga bahin sang pungsod sining nagligad nga simana. Natabo ang una pagpalupok sa bilding sang Grepalife sa Makati City sadtong Hunyo 6. Madasig ini nga ginsundan sang pagpalupok sang bomba sa atubang sang balay ni Rodolfo "Bong" Pineda sa Lubao, Pampanga sadtong Hunyo 9. Kasunod sini ginpalukpan ang mga istasyon sang mga pulisya sa Quezon City kag Lawton sa Manila sadtong Hunyo 11. Pagkatapos nagpalupok man sining Hunyo 13 sa sulod mismo sang hedkwarters sang National Capital Regional Police Office sa Camp Bagong Diwa sa Bicutan, Taguig City. Ang pinakaulihi nga paglupok natabo sa Makati City sadtong Hunyo 19.

Ang mga pagpamomba nga ini ginapasibangud sang PNP kag sang rehimen sa isa ka grupo nga nagapan-galan Taong Bayan at Kawal (Tabak) pero ginpangin-wala naman ini sang Tabak Gin-umid pa sini ang grupo ni anay Sen. Gregorio "Gringo" Honasan kag kon sanday sin-o pa nga grupo.

Gamit ang pagpamomba, ginanunsyo sang guberno ang posibilidad sang liwat nga pagpanaog sang "state of national emergency" ukon kapareho sini para kontrolon ang hulag sang pumuluyo kag lupigon ang mga kinamatarung nga sibil.

Ginagamit man ini para pahugon ang pumuluyo sa pagtambong sa mga nakatalana nga paghulag kontra kay Arroyo, labina na nga ginakahadlukan sang Malakanyang ang dalagku nga protesta-rali kontra diri sa panahon sang SONA. Ginasiguro sang guberno nga magapadayon ang mga pagpamomba asta pagkatapos sang "State of the Nation Address" (SONA) ni Arroyo sa Hulyo 24.

Pagpanagtag sang duta sa Hacienda Luisita, ginpauntat

GINAPAMATUKAN sang mga mamumugon sa uma sang Hacienda Luisita ang ginpaguwa kasan-o lang nga *temporary restraining order* sang Korte Suprema kontra sa desisyon nga ipanagtag na sa mga benepisyaryo ang 6,000 ektaryas nga asyenda. Ginmandu sang Korte Suprema sining Hunyo 16 nga temporaryo nga untaton ang plano nga pagpanagtag sigun sa ginapangayo sang Hacienda Luisita Incorporated (HLI) sang pamilya Cojuangco. Ginabangdanan sang HLI nga lapas sa Stock Distribution Option Agreement (SDOA) nga ginpirmahan kuno sang mga mamumugon sa uma sadtong 1989 ang subong nga desisyon sang Presidential Agrarian Reform Council kag DAR nga ibasura ang iskema nga SDO sa asyenda.

Sa atubang sini, nangako ang mga mamumugon sa uma kag ang United Luisita Workers Union (ULWU) nga padayon nila nga ipamilit ang ila kinamatarung nga umhon ang duta sa asyenda.

Manggad ni Arroyo, dumoble

HALOS nadoble ang balor sang mga propyedad ni Gloria Arroyo halin sang siya magpungko bilang bise presidente sang Pilipinas. Suno sa ginsumite niya nga 2005 Statement of Assets ang Liabilities, nagalab-ot sa P79.2 milyon ang iya manggad, mas mataas sang 90% kumparar sadtong 1999 kon sa diin P41.5 milyon ang balor sang iya propyedad kag bise-presidente pa siya ni Estrada.

Naglab-ot sa P55 milyon ang kwarta sa bangko sang mag-asawang Arroyo kag P6 milyon sa mga propyedad. Nalista ang pinakaulihi nga ginbakal nga kadutaan sa Coron, Palawan sadtong 2005 sa balor nga P2 milyon. Ginreport nga may ara sila nga P6.8 milyon nga balor sang mga salakyan; P3.4 milyon nga mga alahas kag nagalab-ot sa P7 milyon nga balor sang mga propyedad ang ginpanubli, muwebles kag mga libro. Kulang ang mga ginpahayag niya bangud wala nakalista bilang ginapang-iyahan nila ang LTA (Lourdes Tuason Arroyo) Building sa Makati, ang balay sa Forbes Park kag La Vista Village sa Metro Manila, ang mga kadutaan nga pang-agrikultural ni Atty. Miguel Arroyo sa Negros Occidental kag ang mga balay kag kadutaan nila sa US.

Tuso nga maniobra ni Arroyo sa paghimo sang badyet

Ginapagguwa sang Malakanyang nga wala nanglayi ang hagna nga badyet sang 2006 bangud sa pagmatig-a sang Senado. Pero kon tan-awon ang mga hitabo, makita nga indi matuod nga interesado ang Malakanyang nga mangin layi ang bag-o nga badyet kag mas gusto sini nga liwat nga ipasar ang badyet sang 2005.

Sa sulod sang walo ka bulan, hungod sini nga ginapatener ang pagsumite sang hagna nga badyet sa Kongreso. Sang malapit na nga magtapos ang sesyon sini, tuso nga ginpasulod ni Arroyo sa mga tinawo niya sa Kongreso ang mga probisyon para sa *pork barrel* sang mga kongresista kag iya kaugalingon kag ginapamilit sa Senado nga ipasar ini. Upod diri ang P64 bilyon nga pondo sang Malakanyang nga nagaunod sang P3 bilyon nga pondo para sa Kilos Asenso Support Fund kag P3.69 bilyon para sa Kalayaan Barangay Fund, duha ka programa nga direkta nga sa

idalum sang presidente kag pareho puno sang anomalya.

Nagbalibad ang Senado nga paboran ang mga probisyon nga ini sang badyet.. Nahibal-an sini nga pagagamiton lamang ini ni Arroyo para baklon ang katampad sang mga lokal nga upisyal kag igasuporta sa iya nga ambisyon nga bag-uon ang konstitusyon. Bunga sini, nag-angkon sang duha ka bersyon ang badyet-- ang bersyon sang Kongreso kag sang Senado.

Naobligar nga gamiton liwat ang badyet sang 2005-- bagay nga paborable man gihapon sa Malakanyang bangud ang kabilugan nga pondo sang gubyrno mapaidalum subong sa mga desisyon sini. Upod diri ang pondo para sa mga proyekto nga natapos na ukon nabahinan na sadtong nagligad nga tuig. Bangud ang tanan nga mga probisyon sa badyet wala sang maathag nga alokasyon, pwede na ini nga itilana ni Arroyo diin man niya nga gustuhon. Sa katapus-tapusan, ang kabilugan nga badyet sadtong nagligad nga tuig lunsat mangin *pork barrel* ni Arroyo.



Mga upisyal-militar, naumid sa dayaan---Sen. Biazon

KINUMPIRMA ni Sen. Rodolfo Biazon, puno sang Senate National Defense Committee, nga naumid ang mga upisyal-militar sa dinayaay sadtong eleksyon 2004 nga nagpadaog kay Arroyo. Gin-anunsyo ini ni Biazon sadtong Hunyo 16 sang ipahayag niya ang pinal nga report sang iya komite nga nag-imbetiga sa nahibal-an sang mataas nga upisyal sang AFP sa dinayaay. Siling ni Biazon, bastante kag mapag-on ang gi-

na-uyatan nga ebidensya sang iya komite nga nagapamatuod nga lapnagon ang dinayaay sadtong 2004. Pangunahon nga naimbolbar sa dinayaay si anay Comelec Commissioner Virgilio Garcillano. Sa AFP, naumid si Lt. Gen. Hermogenes Esperon nga subong hepe sang Philippine Army, tatlo pa nga heneral kag iban pa nga mataas nga upisyal sang AFP.

Ginmanduan sang AFP sadtong Hulyo 2005 si Vice Adm. Mateo

Mayuga sang Phil. Navy nga maghi-wat sang imbestigasyon sa pagdinayaay. Sadto pa nga Nobyembre ini natapos pero asta sa subong nagabalibad ang rehimen nga isapubliko ang mga resulta sini bangud sa kadamo sang anomalya nga naukay sini. Ang gusto lamang nga patuhawon sang Malakanyang nga resulta amo ang pag-abswelto sini kay Esperon kag iban pa nga mataas nga upisyal nga malapit kay Arroyo.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVII No. 12
Hunyo 21, 2006
www.philippinerevolution.org

Editoryal

Ginakutkut ni Arroyo ang kaugalingon nga lulubngan

Nagadamgo sang bugtaw si Defense Secretary Avelino Cruz sa pagpahambog nga mawasak sang sang rehimeng US-Arroyo ang Bag-ong Hangaway sang Banwa (BHB) sa sulod sang napulo ka tuig. Mas labing buang si Gloria Arroyo sa pagsigahum nga malutos niya ang BHB sa sulod sang isa tubtub duha ka tuig bangud lamang sa pagdugang sang isa ka bilyong piso sa badyet sang AFP kag pagpasingki sang to-do-gera batuk sa rebolusyonaryong hublag.

Wala sang basehan ang mga handum kag deklaasyon nila nga ini. Padayon ang pagsulong kag pagbaskog sang rebolusyonaryo nga armadong hublag. Tampok ang sunud-sunod nga kadalag-an sang BHB ilabi na sining nagligad nga mga bulan. Nagalapad kag nagabakod ang armado nga rebolusyonaryong hublag sa bilog nga pungsod kag padayon nga nagasulong ang pagbato sang pumuluyo sa mga antinasyunal kag anti-demokratikong polisiya, plano kag tikang sang rehimen.

Ang matuod nga katuyuan sang amo nga deklarasyon ni Arroyo amo nga padaddabon kag engganyuhon ang suporta gihapon sa iya sang imperyalismong US kag mga kadampig niya nga reaksyonaryo. Gusto man niya tabunan ang patung-patong nga mga kaso

sang kagarukan, malaut nga mga krimen kag responsibilidad niya sa banwa kag hatagan sang lisensya ang to-do-todo nga pasistang pagpang-atake sa pumuluyo.

Mapaslwan ang "end game" ni Arroyo. Wala na siya nakatuon sa paliwat-liwat na kapaslwan sang tanan nga Internal Security Operations Plan (oplan) sang AFP sa nagligad nga tatlo ka dekada halin sa Oplan

Katatagan ni Marcos tubtub sa Oplan Bantay Laya sining 2002.

Pareho sang mga nagligad nga "oplan," pat-ud nga mapaslwan ang binuang nga handum ni Arroyo nga

madasigan nga mawasak ang rebolusyonaryong hublag. Indi malutos sang bulok, kontra-pumuluyo kag antinasyunal nga rehimeng Arroyo kag mga armadong gaway sini ang PKP, BHB kag bilog nga rebolusyonaryong hublag nga nagatiglawas sa mga pwersa nga abante, patriyotiko kag makipumuluyo. Labi nga nagadalum ang kaakig sang pumuluyo sa rehimeng Arroyo kag sa mga armadong gaway si-

ni.

Sa pihak nga bahin, hugot



Mga tampok sa isyu nga ini...

Mga aksyong militar sg BHB sa NCMR
PAHINA 4

Hilikuton sa bidyo sa SMR
PAHINA 7

Ka Apol, bag-ong hangaway
PAHINA 9

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa panugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angba-yan@yahoo.com*